

**Акафист Пресвятей Богородице в честь иконы
Ея «Избавительница от бед» (Ташлинская)**



Празднование 21 октября и 24 декабря

Тропарь, глас 4

Яко пресветлая звезда, просия божественными чудесы святой образ Твой, Изба́вительнице, лучами благодати и милосердия Твоего озарив в нощи скорбей сущих. Подаждь убо и нам, всеблагая Дево, избавление от бед, исцеление недугов душевных и телесных, спасение и велию милость.

Кондак, глас 8

Ко иконе Твоей, Пресвятая Госпоже, бедствовавший с верою притекше, заступлением Твоим избавишася от злых, но, яко Мати Христа Бога, и нас свободи от лютых обстояний, временных и вечных, да зовем Ти: радуйся, Изба́вительнице наша от всех бед.



Кондак 1

Возбрани врагом нашим озлобляти нас и от Господа нашего отлучати конечно и научи нас пети Тебе, Богородице, весело: Радуйся, от горя, бед и гибели спасающая нас, бедствующих Изба́ вительнице.

Икос 1

Ангелов множество по Твоему, Мати наша, повелению ополчаются на избавление наше грозно, Ты же прими молитву сию:

Радуйся, ангелов на спасение наше посылающая;

Радуйся, Царице горних чинов, небесную их помощь нам дарующая.

Радуйся, ангелом хранить нас повелевающая;

Радуйся, воинством ангельским врагов наших поражающая.

Радуйся, от горя, бед и гибели спасающая нас, бедствующих Изба́ вительнице.

Кондак 2

Видят бедствующие толикую и многую помощь Твою сердечно Тя призывающим и наставляются тем пети Сыну Твоему непрестанно: Аллилуия.

Икос 2

Разумеют мнози, яко мирови Тя дарова Сын Твой
избавительницу бедствующим, тем же поем Тя сице:

Радуйся, бедствующих Мати;

Радуйся, страждущих утешение.

Радуйся, болящих исцеление;

Радуйся, ненадежных надеждо.

Радуйся, от горя, бед и гибели спасающая нас,
бедствующих Изба́ вительнице.

Кондак 3

Сила Вышняго даровася Ти на помощь и спасение
миру и нас, в бедах погибающих. И кто Тобою не
избавлен бысть, и кто не поет Сыну Твоему: Аллилуия?

Икос 3

Имущи непостижимую любовь к роду человеку, кая
воздыхания не прияла еси, кия слезы не отерла еси,
и кого не принудила еси призывать Тя? Темже прими
от нас похвалы сия:

Радуйся, бедствующих скорое услышание;

Радуйся, погибающих известное спасение.

Радуйся, печальных и скорбных утешение;

Радуйся, плененных освобождение.

Радуйся, от горя, бед и гибели спасающая нас,
бедствующих Изба́ вительнице.

Кондак 4

Буря несчастий налете на ны, спаси убо нас
погибающих, спаси, Избавительнице наша, бурю
погибельную на земли Укратившаго показующая нам
и приемлющаго нашу песнь: Аллилуия.

Икос 4

Слышаша человечестии роди всю Твою
к христианам дивную любовь и Твое мощное
избавление их от всяких находящих на них лютых,
научишася пети Тебе:

Радуйся, человеческого рода от бед избавление;

Радуйся, бурь житейских прекращение.

Радуйся, уныния прогонительнице;

Радуйся, радости по скорби нам подательнице.

Радуйся, от горя, бед и гибели спасающая нас,
бедствующих Изба́ вительнице.

Кондак 5

Боготечней звезде подобящися, мрак и темноту
в грехолюбивых сердцах разгоняеши, да во свете Твоея
любве узрят Господа и воспоют Ему: Аллилуия.

Икос 5

Видеша людие российстии Твое не чаянное от многоразличных бед избавление, радостно поют Тебе сице:

Радуйся, в бедах наша помощнице;

Радуйся, скорбей наших отъятие.

Радуйся, печалей наших отгнание;

Радуйся, в скорбех наших утешение.

Радуйся, от горя, бед и гибели спасающая нас, бедствующих Изба́ вительнице.

Кондак 6

Проповедуют помощь Твою и любовь Твою, Мати, исцелении, утешении, обрадовании и спасении Тобою от бед и поют Твоему высокодержавному Сыну: Аллилуия.

Икос 6

Возсия нам свет спасения во мгле погибели, окружившей нас, и настави пети Тебе, Владычице:

Радуйся, мрак душ наших просвещающая;

Радуйся, тьму греховную потребляющая.

Радуйся, светом радости души ободряющая;

Радуйся, мглу греха разгоняющая.

Радуйся, от горя, бед и гибели спасающая нас,
бедствующих Изба́ вительнице.

Кондак 7

Хотящим нам конечному отчаянию предатися,
отвсюду бедам належащим, помыслихом о Тебе,
Избавительнице, и ободрихомся, и утешихомся, поюще
Сыну Твоему: Аллилуия.

Икос 7

Новую и нежданную показала еси нам милость
Свою, под державную руку Твою нас восприимши,
и отовсюду вопием Ти, Богородице:

Радуйся, Царице державная;

Радуйся, и нас под Твою державу восприявшая.

Радуйся, защиту Твою нам даровавшая;

Радуйся, врагов наших поразившая.

Радуйся, от горя, бед и гибели спасающая нас,
бедствующих Изба́ вительнице.

Кондак 8

Странное чудо: на погибель обреченнии и в нуждах
томящихся безчисленных, внезапно спасение
и избавление получают от Тебе, поюще Богу:
Аллилуия.

Икос 8

Вси сущии во мраце скорбей, вси обуреваемии несчастий бурею, приидите к доброму пристанищу и нашему поможению, покрову Девы Изба́ вительницы, вопиюще Ей:

Радуйся, радостей источниче;

Радуйся, печалей прогнание.

Радуйся, бед избавление;

Радуйся, всяческого покоя подательнице.

Радуйся, от горя, бед и гибели спасающая нас, бедствующих Изба́ вительнице.

Кондак 9

Все существо человеческое хвалит Тя, вси воспевают Тя, многоразличное избавление им несущую, вместо печалей радость подающую поющим Сыну Твоему и Богу: Аллилуия.

Икос 9

Ветии многоумнии обезумеша, видяще Твое скорое чудесное от бед страждущих избавление, и умолкоша, нам поющим Ти:

Радуйся, чудесы мир удивившая;

Радуйся, чудесы нас укрепившая.

Радуйся, безбожие чудесами истребившая;

Радуйся, врагов силою Божиею посрамившая.

Радуйся, от горя, бед и гибели спасающая нас,
бедствующих Изба́ вительнице.

Кондак 10

Спасти хотя всяку душу человечу, всею любовью
печешися
о ней, дондеже научиши ю пети Сыну Твоему:
Аллилуия.

Икос 10

Стеною мир христианский хранящая и всяку душу
от врагов ограждающая явися икона Твоя,
Изба́ вительнице, в мире православном и чудеса
прославися, Тебе людем Божиим воспевающим:

Радуйся, наставнице наша;

Радуйся, Изба́ вительнице наша.

Радуйся, веселие наше;

Радуйся, вечная радости наша.

Радуйся, от горя, бед и гибели спасающая нас,
бедствующих Изба́ вительнице.

Кондак 11

Пение непрестанно приносим Ти, Владычице,
Тобою избавлении и Тобою паки радость обретшии
и Божественному Сыну Твоему поющи радостно:
Аллилуия.

Икос 11

Светосияющим светилом лучезарным во мраце греха явился нам икона Твоя, Изба́ вительнице, наставляющая нас пети Тебе:

Радуйся, от глада нас избавляющая;

Радуйся, вредоносящее естество от растений отгоняющая.

Радуйся, посеvy и леса и все растущее от гибели спасающая;

Радуйся, земледельцев скорбящих утешение и труда их благословение.

Радуйся, от горя, бед и гибели спасающая нас, бедствующих Изба́ вительнице.

Кондак 12

Благодать от иконы Твоея, Избавительнице, текущая, исцелений струи подающая и сердца веселием оживляющая, побуждает всех волею пети, Мати, Сыну Твоему и Богу: Аллилуия.

Икос 12

Воспеваем исцеления, от святых иконы Твоея бываемая, воспеваем наипаче воскресение Анастасия отрока и воспевающие поем:

Радуйся, мертвых воскрешающая;

Радуйся, умерших сердца оживляющая.

Радуйся, от смерти и вечного огня изымающая;

Радуйся, посмертное наше упование и защиту.

Радуйся, от горя, бед и гибели спасающая нас,
бедствующих Изба́ вительнице.

Кондак 13

О всепетая, вселюбимая наша Мати! Умилосердися
ныне
и помилуй, в лютых и безысходных сущих нас скорбех
избавляющи, научи нас сердечно воспевати Богу,
прощающему нас: Аллилуия.

Сей кондак читается трижды

Икос 1

Ангелов множество по Твоему, Мати наша,
повелению ополчаются на избавление наше грозно, Ты
же прими молитву сию:

Радуйся, ангелов на спасение наше посылающая;

Радуйся, Царице горних чинов, небесную их
помощь нам дарующая.

Радуйся, ангелом хранить нас повелевающая;

Радуйся, воинством ангельским врагов наших
поражающая.

Радуйся, от горя, бед и гибели спасающая нас,
бедствующих Изба́ вительнице.

Кондак 1

Возбрани врагом нашим озлобляти нас и от Господа нашего отлучати конечно и научи нас пети Тебе, Богородице, весело: Радуйся, от горя, бед и гибели спасающая нас, бедствующих Изба́ вительнице.

МОЛИТВА БОЖИЕЙ МАТЕРИ

О Мати Божия, помощи наша и защита, присно буди нам избавительница, на Тя бо уповаем и всегда вседушно Тя призываем, умилосердися и помози, пожалей и избави, приклони ухо Твое и наша скорбныя и слезныя молитвы приими, и якоже хочещи успокой и обрадуй нас, любящих Твоего возлюбленного Сына, Ему же слава, честь и поклонение, со Отцем и Святым Духом, во веки веков. **А**минь.

МОЛИТВА О СВЯТОЙ РУСИ

Господи Боже сил, Боже спасения нашего, призри в милости на смиренныя рабы Твоя, услыши и помилуй нас: се бо брани хотящия ополчишася на Святую Русь, чающе разделить и погубити единый народ ея.

Возстани, Боже, в помощь людям Твоим и подаждь нам силою Твоею победу.

Верным чадам Твоим, о единстве Русския Церкви ревнующим, поспешествуй, в духе братолюбия укрепи их и от бед избави. Запрети раздирающим во омрачении умов и ожесточении сердец ризу Твою яже есть Церковь Живаго Бога, и замыслы их ниспровергни.

Благодатию Твоею власти предержащия ко всякому благу настави и мудростию обогати!

Воины и вся защитники Отечества нашего в заповедех Твоих утверди, крепость духа им низпосли, от смерти, ран и пленения сохрани!

Лишенные крова и в изгнании сущия в дома введи, алчущия напитай, недугующия и страждущия укрепи и исцели, в смятении и печали сущим надежду благу и утешение подаждь!

Всем же во дни сия убиенным и от ран и болезней скончавшимся прощение грехов даруй и блаженное упокоение сотвори!

Исполни нас яже в Тя веры, надежды и любви, возстави паки во всех странах Святой Руси мир и единомыслие, друг ко другу любовь obnovи в людях Твоих, яко да единеми усты и едином сердцем исповемся Тебе, Единому Богу в Троице славимому. Ты бо еси заступление, и победа, и спасение уповающим на Тя и Тебе славу возсылаем, Отцу и Сыну и Святому Духу, ныне и присно, и во веки веков. **А**минь.

